

XIII CAMPIONATO MARAGOTA BOATS DE PESCA DESDE EMBARCACIÓN FONDEADA

O Club Náutico de Portonovo organizan, co patrocinio e colaboración de Maragota Boats, o CAMPIONATO DE PESCA DESDE EMBARCACIÓN FONDEADA a celebrar o día **07 de octubre** de 2023.

DESENROLO DA PROBA E HORARIO

1. Este campionato celebrarase a unha soa manga a disputar na data anunciada anteriormente.
2. A proba terá unha duración de **4 horas e media contadas** desde o momento no que o Xuíz da proba dea saída.
3. Existirá un control de sinaturas dos participantes tanto á saída coma á chegada.
4. As embarcacións dos participantes deberán estar amarradas no porto de Portonovo ou no lugar que fixe a organización antes das 8:30 horas da mañá. Para iso, o Club Náutico organizador proporcionará o persoal de mariñeiría para recoller os barcos nos fondeos e axudar nas manobras de atraque. O Club facilitará amarre ou fondeo o día anterior a celebrase a proba.
5. Ás 8:30 horas abrírase o control de sinaturas de tódolos participantes, no peirao antes sinalado.
6. Ás 9:00 horas o xuíz da proba dará a saída oficial ás embarcacións polo canal 72 VHF, iniciándose nese momento ó cálculo das 4 horas e media para o desenvolvemento da proba. As embarcacións poderán saír do Portos de Portonovo.
7. Ás 13:30 horas todas as embarcacións deberán estar no Porto de Portonovo para a pesase.
8. As embarcacións deberán facilitar súa posición cando así sexa requirido pola organización
9. A proba poderá ser suspendida pola organización, no caso de que as condicións climatolóxicas así o aconsellen.

PARTICIPANTES

10. As embarcacións poderán levar ata cinco participantes, sen exceder o límite autorizado pola Autoridade Marítima para cada embarcación, un patrón e catro tripulantes. O patrón da embarcación poderá ser á súa vez participante no concurso.
11. Cada participante deberá indicar, ó facer a inscrición, o nome da embarcación na que vai competir, os seus tripulantes e folio da embarcación.
12. Cada equipo terá un Capitán, que será a persoa que figure ó inicio da relación nominal da folla de inscrición ó campionato, o que, por esixilo así as disposicións vixentes sobre navegación deportiva, deberá estar en posesión da titulación correspondente expedida pola Autoridade competente. Non obstante, se ó carecer de embarcación propia adoptase o sistema de alugamento ou outra modalidade, ou non dispuxese da titulación requirida, poderá patronear a embarcación un patrón profesional e un mariñeiro axudante. Estes en ningún caso poderán participar en momento ningún nas faenas de pesca, sendo motivo de descualificación automática, se se

comproba que ditos profesionais manexan os aparellos de pescar en acción de pesca, durante a celebración da proba.

13. Farase a inscrición da embarcación, que deberá estar despachada pola Capitanía Marítima.
14. Deberá levar a bordo a documentación regulamentaria e irá provista dos sistemas de seguridade correspondentes á súa clase.
15. As embarcacións non poderán sobre pasar As zonas marítimas para as que están autorizadas
16. Previamente á saída, e durante a mesma, a organización resérvase o dereito a inspeccionar os barcos participantes no campionato, para evitar posibles fraudes (pesca a bordo, palangres, etc.).
17. Será de exclusiva responsabilidade dos patróns ter en vigor o despacho das embarcacións, así como a vixencia do seguro obrigatorio da mesma, e dispoñer da titulación adecuada.
18. Todos os participantes deberán estar en posesión da licenza de pesca marítima que expide a Consellería do Mar.
19. O Club Náutico declina toda responsabilidade polo incumprimento da normativa en materia náutica, de pesca, e posibles accidentes entre embarcacións, recaendo sobre as embarcación e os seus patróns.
20. Todo participante, polo feito de inscribirse, acepta as bases co campionato, e me maneira expresa a circunstancia que as resolucións ou fallos do xurado son inapelables.

ZONA DE PESCA

21. A zona onde cada embarcación elixa para realizar as capturas é libre, dentro da Ría de Pontevedra a 3 millas oeste do límite exterior da Illa Ons, exceptuándose aquelas nas que non estea permitido pola Autoridade competente. Respetarase aquela zona que comprometa a pesca doutra embarcación,. Manterase un especial resguardo sobre aquelas embarcacións que entrasen en combate. Se deberá manter unha distancia de a lo menos 100 metros de calquera embarcación, ou boia. Deberán ter izado un distintivo de participante ben visible.
22. Está prohibido pescar dentro dos límites do parque nacional Illas Atlánticas, nas zonas portuarias, nos canais de navegación. Así mesmo non poderán recalar en ningún porto distinto o do club organizador, nin abarloarse a outra embarcación.
23. A xornada de pesca será na modalidade de fondeo, polo que deberán estar fondeadas para realizar as capturas, podendo cambiar de posición tantas veces precise.
24. En acción de pesca soamente se permitirá unha cana, se ben cada participante poderá ter en reserva as que considere precisas para intercambialas. As canas de reserva non poderán estar cebadas, salvo cando se realice un cambio, para o que retirará a que teña en acción de pesca. As canas estarán constituídas por un máximo de tres anzois. Quedan prohibidos os anzois que teñan máis dun garfo e as poteiras.
25. Autorízanse como cebos soamente os naturais en estado vivo ou en conserva. Esta conserva non poderá ter ningunha clase de aditamentos de orixe química. Queda, pois, terminantemente prohibido o uso de cebos artificiais e cebadores.

26. Durante o tempo de realización das probas, tódalas embarcacións deberán estar á escoita na banda de radio VHF na canle 72, desde a que se darán instrucións ó inicio da proba.
27. Calquera incidencia ou abandono da proba antes do límite deberá comunicarse por radio ó xuíz da proba.
28. O tempo límite é de 4 horas e media desde o momento no que se dá a saída ata a entrada a porto. Os participantes, ó chegar a porto de Portonovo, deberán pasar polo control de sinaturas.
29. Se houbera concursantes que desexen participar, pero non dispoñen de embarcación, a organización poderá incluílos noutra, ou poñer a súa dispor unha de aluguer.

ESPECIES

29. Quedan prohibidas en pesada as seguintes especies: os cefalópodos (polbo, lura, choco, etc.) e outros como muxel, anguía, congro, morena e similares. Serán válidos e poderán capturarse tódalas especies restantes que habitan na ría, aténdose ás normas de pesca en tallas que edita a Consellería de Pesca Marisqueo e Acuicultura, e serán admitidas na seguinte escala:
 - 1º.- Robalos, robalizas (lubinas) e abadexos (corbelos)
 - 2º.- Sargo, Ollomol (besugo), pancho bicudo, pargo.
 - 3º.- As demais especies, salvo as excluídas.
30. As tallas mínimas serán as seguintes: Corbelo 30 cm, Ollomol 25cm, boga 15 cm, Madrenia 20 cm, cabra 15 cm, Xurelo 15 cm, Dourada 19 cm, Escacho 20 cm, Escarapote 18 cm, Muxo 20 cm, Faneca 20 cm, Prago 30 cm, Robaliza 36 cm, Maragota. Pinto 20 cm, Vello 14 cm, Labanco 15 cm, Pacho 25 cm, Sargo 22 cm, Señorita 14 cm, e no caso de especies diferentes das descritas, ás regulamentarias, no se aceptarán os que non dean a talla mínima.
31. Non se poden capturar máis de 5 Kg, máis unha peza, segundo as normas do decreto 211/99 publicado no D.O.G. nº 139 de 21 de xullo de 1999.
32. Cada equipo participante procurará por si mesmo o refrixerio, xantar ou inxestión de alimentos durante a proba.

PESAXE

33. A pesaxe realizarse pola organización, podendo ser supervisado polo interesados que deberán asinar a conformidade os patróns das embarcacións.
34. Efectuarase nos locais do Club Náutico de Portonovo o termino da proba, co seguinte baremo:
 - Para as clasificadas na norma primeira, 5 puntos por peixe válido e 10 puntos por cada gramo de peso.
 - Para as da norma segunda, 3 punto por peixe válido e 5 puntos por cada gramo de peso.
 - Para as da norma terceira, 1 punto por peixe válido e 2 puntos por cada gramo de peso.

DESCUALIFICACIÓN

35. O xurado entenderá a NON COMPARECENCIA DUN PESCADOR CON CAPTURAS Á PESAXE como autodescualificación.
36. Calquera incumprimento das bases será motivo de descualificación.

RECLAMACIÓNS

37. Unha vez o xurado levante acta despois da pesada, quedará un prazo de 15 minutos para expoñer unha reclamación. Estas deberán efectuarse por escrito e por un só pescador.

INSCRICIÓNS

38. As inscricións poderán realizarse ata as 19:00 horas do día 4 de outubro de 2023 por escrito nas oficinas de Club Náutico de Portonovo, ou por correo electrónico, debendo estar a documentación en posesión da organización ó termo da hora antes citada.

Correo electrónico: administracion@nauticoportonovo.com
Teléfono: 986 72 32 66

39. Calquera modificación na disposición dos participantes por embarcación deberá ser presentada ante o xuíz da proba, no momento do control de sinaturas de saídas.
40. Cada Concursante deberá abonar unha cota de 20 euros.

XURADO

41. O xurado estará composto por:

XUIZ DA PROBA
SECRETARIO

42. Os nomes das persoas que forman parte do xurado estarán expostos no taboleiro de anuncios do Club Náutico de Portonovo, antes do comezo do concurso.

PREMIOS

43. Entregaranse os seguintes premios:
- TROFEO Ó CLASIFICADO CON MAIOR NÚMERO DE PUNTOS EN TOTAL DE PEZAS (EMBARCACIÓN)
 - TROFEO Á PEZA DE MAIOR TAMAÑO (individual)

Cada concursante só poderá optar a dous premios. A puntuación obtida dividirase polo número de tripulantes de cada embarcación..

Para o cálculo do maior número de puntos e do maior número de pezas dividirase o total obtido por cada embarcación entre o número de tripulantes totais sendo o resultado o cociente da mesma.

ENTREGA DE PREMIOS

44. A entrega de premios realizarase nos locais que o Club Náutico ten nas instalacións do porto deportivo, despois dunha comida de confraternidade. A mesma poderán asistir os participantes ou acompañantes, sendo de balde para os concursantes inscritos e que participaron, e de 20 euros para os acompañantes.
45. O Club non se responsabiliza da falta da documentación ou permisos dos participantes e das correspondentes embarcacións. Infrinxir esta norma será motivo de descualificación; e de xurdir calquera clase de accidentes ou danos a persoas ou cousas, serán da súa enteira responsabilidade.
46. A organización do campionato resérvase o dereito de modificar algunhas das normas citadas con anterioridade, se así o esixiran as circunstancias, en caso extremo, o que se notificaría no seu momento coa maior antelación posible para o oportuno coñecemento de tódolos participantes. Igualmente poderíase suspender por aviso de temporal superior a 11 nós, ondas superiores a 3 metros ou por causa de forma maior.
47. Os organizadores resérvanse poder destinar a totalidade ou parte das capturas a establecementos benéficos, ou a comida de confraternidade, incluso seleccionando parcialmente ás capturas.